

Symma Juris Canonici

Comprehensa Tribus Partibus In Qua Distincte Et Succincte Explicantur,
quae ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Quæ In Libro Quinto, Et
Sexto Decretalium Continentur

Strein, Johann

Coloniæ Agrippinæ, 1659

Regula XLIII. Qui tacet, consentire videtur.

[urn:nbn:de:hbz:466:1-61853](https://nbn-resolving.de/urn:nbn:de:hbz:466:1-61853)

tum est, ne mulier improba ex iniq-
uitate sua lucrum reportet. *I. Consensu.*
C. derepud. Silv. V. Adulterium. n. 8:

Adde, quod in tali eventu non pro-
priè sed abusivè dos appellatur, pro-
pter memoriam videlicet matrimonii
antecedentis.

Obj. 2. Promissio de usuris solven-
dis irrita est, utpote de re turpi: Si ta-
men accedit juramentum, non perin-
de irritum est, sed implendum. 6. Debi-
tores. de iure iur. Vbi Alexand. III. Debi-
tores ad solvendas usuras, in quibus se
obligaverant, cogi non debent: si verò
de ipsarum solutione juraverint, co-
gendi sunt domino reddere juramen-
tum.

R. Juramentum ita accedit promis-
sione, ut cum ea velut principali non
efficiat unum quid, sed per se stat, &
specialem obligationem inducit, non
homini, sed Deo: quam ob causam
cautè dicitur in citat. capite, cogendi
sunt Domino reddere iuramentum, cui
videlicet per juramentum obligati in
reverentiam nominis ipsius exequi de-
bemus, quod per se licitum, & à nobis
juratum est. Hinc fit non raro, ut cir-
ca juramentum, vel dispensandum vel
irritandum disponat Iudex, contrac-
nihil immutato, sed quoad omnia sal-
vo, & integro permanente. De quo

V. Summissas, & nominatim. Zerol. in
part. I. V. Iuramenti absolutio,

Obj. 3. in l. Quid tamen. tit. Quibz.
modus ususfructus amittatur, propo-
sita, quæstione. Si fundus villa fuit
accessio, an cum illa etiam fundi usus-
fructus extinguitur, respondet Ulpia-
nus, non extingui. Ibid. in l. Fundi.
dicitur. Fundi ususfructu legato, si
villa diruta sit, ususfructus non extin-
guitur, quia villa fundi accessio est.

R. Peckius id fieri, quia unum non
est accessorium alterius, sed utrumque,
id est, tam villa, quam fundus legatur,
ut principale: ac proinde in eis Regu-
lae locum non esse. Verum huic com-
mento textus repugnat. Villa fundi ac-
cessio est. Nisi ly accessione pro accessorio
sed pro communio accidente placeat ac-
cipere: in quo sensu dicendum erit,
juxta consuetam istiusmodi sermonis
proprietatem, villam non esse accesso-
rium, neque fundum principale, de
quo Regula loquitur: sed sensum es-
se, quod villa per accidentem se habeat
ad fundum. Sive enim adsit fundo. Si-
ve absit, perinde habetur. Manet enim
usufructus, qui super fundo, sive ædi-
bus, & arboribus instructo, sive in
omnibus dispoliato constitutus est. V.
Bronchorst Centur. IV. Aff. 93.

REGVLA XLIII.

Qui tacer, consentire videtur.

*I. R*egulam hanc, si nudè inspicio-
tur defendi non posse *an. Ca.* |
nisi. & ideo ad certas species coa-
ctandam esse. Multis enim in casibus
accidit,

accidit, ut sciens & tacens non censeatur consentire. Quæ causa si sufficiens est ad Regulæ accusationem, nulla vitio caret. Quam enim ex omnibus dabit *Cansius*, quæ non habeat limitationem suam? Si autem in hac pecularis difficultas est, peculiari studio tolletur. Evidemde vero sensu multum laborant, & discrepat Interpretes apud *Barbosam* hic. Ac 1. *Gloss.* ult. in c. Nonne de præsumpt. Cùm, inquit, de dominio rei amittendo agitur, tacens non censemur consentire. Accordat *Barbosam* in c. Continebatur. de his, quæ fiunt à Præl. Quis enim ita desipit, ut rem suam non coactus, projicere velit? l. Cùm de indebito V. quenam. tit. de probat. Huic explicationi contradicit lex. si servus comuni. 39. tit. de donat. inter virum. Vbi ex præsentia, & taciturnitate inducitur donatio pro parte dominii, quod dominus habet in servo. & c. Si servus siente. d. 54. dominus amittit servum clero insertum, quod cum sciret, non contradixit, taciturnitas illi pro consensu reputatur.

2. Eadem *Gloss.* & abb. l. citato, quos Angel. *Silv.* & alii plures sequuntur, ita distinguunt. Aliquos actus contradicendo impedire possumus; alios non possumus. Circa priores qui tacet, consentire videtur, circa posteriores non item. Ratio manifesta est, quia non hi, sed illi à nostra libertate, & arbitrio pendent. Verum hæc quoque interpretatio cum præcedente refellitur in c. tit. Si servus. & plures instantias patitur. Nam inter actus, quos contradicendo impedire dominus queat, est pignoris constitutio, & tamen licet præ-

sens sit, ac taceat, non censemur consentre nisi aliud addatur l. 2. C. Si aliena res pignori. Item venditio rei pignori obligatæ sicut etiam rei alienæ, est actus, qui à creditore, vel domino impeditri non potest, & tamen si venditio fiat præsente creditore & tacente, consentre præsumitur in liberatione pignoris, cùm jus pignoris remisso censemur. l. 2. C. de remiss. pign. l. Si debitor 4. § 1. tit. quib- mod. pignus. Vnde sequitur, distinctionem supra datam, ut non omnino inanis videatur, non sufficere tamen, ut tacens consentire, vel dissenire præsumatur.

3. Alii igitur apud *Barbosam* magno numero allegati in favorabilibus tacentem consentire, in odiosis & præjudicialibus non consentire affirmant. Nec absque ratione. Quis enim nisi mentis inops oblatum respuat aurum. Huc nimis naturæ nos inclinatio impellit, ut quæ commoda, & amica nobis, quolibet modo queramus, & acceptemus; repudiemus verò, quorū ingrata memoria est. Omnes expetimus utilitatem, & ad eam rapimur. Cic. l. 3. de off. Sed huic intelligentiæ obstant leges, in quibus etiam circa præjudicialia tacentium consensus præsumitur. V. *Gloss.* l. In c. 45. V. *Invitum.* tit. de ritu nuptiar. & l. *Invitum.* tit. de servitut. urbanis. cod.

4. Supposito igitur, quod omnes recipiunt, de eo, qui nullam actus, vel contractus notitiam habet, Regulam hanc minimè loqui, cùm nihil voluntum, quod nunquam cognitum, ut Philosophi dicunt, hic erit genuinus sensus. Tunc tacens consentire præsumitur,

R.

cūm

cum res hinc inde aequaliter dubia est, & in contrarium nulla conjectura appetet: ac multò magis si pro affirmativa parte probabilis aliqua causa eluceat: v.g. quia res commoda, amabilis, aut honorifica est. Nam universè præsumptio, quæ in naturæ affectibus fundatur, raro fallit. *Fachin. l. 3. c. 64.*

11. Vnde sequitur, veniendo ad particularia. 1. Qui ad oblationem, & collationem beneficii, vel muneris honorifici tacet, consentire præsumitur. *Card. in clem. l. de concess. prab. Barb. axiom. 217. n. 2.* Idem de filiis discordum, pro quibus præsentibus & tacentibus, parentes contrahunt sponsalia. *e. un. de despensat. Sanch. l. 1. disp. 23. n. 3.* *Coninck disp. 21. d. 3. n. 34.*

2. Qui duobus sibi objectis unum excusat, alterum silentio transmittit, hoc agnoscere, & fateri existimatur. Exemplum Christi est, *Ioann. c. 8.* ubi cum objecissent Iudei ipsum Samaritanum esse, & dæmonium habere, hoc negavit, alterum siluit, fatendo tacite se illum Samaritanum esse, qui generis humano salutarem medicinam adseret. *e. Nonne. de præsumptionib.*

3. Prælatus videns inordinate quædam fieri, si neque puniat, neque moneat, consentire meritò creditur, maximè si correctio non minetur aliquam perturbationem. Tunc enim judicat, indulgendum aliquid, ne subditu nimia severitate offendantur. *Sanch. de matr. l. 6. c. 11. n. 11.* Simili modo si clericus proroget jurisdictionem iudicis non sibi præsente & vidente Episcopo, videatur Episcopus consentire.

4. Si pater sciat filium suum lude-

re, & pergræcari, ac nihilominus pecuniam subministrat, tanquam approbator omnium malorum, quæ inde sequuntur, reum se facit.

5. Reus in judicio si nihil ad objectare respondeat, nullum advocatum petat, nullam exceptionem obtendat, patrati criminis suspicione certissima tenetur. Nihil enim hic singi cause protest, cur cum facile possit, non contradicat, quasi conscientia testimoniam valida gravatus, ut desperet. Idem de quolibet contumace dicendum. *Barb. l. cit.*

6. Consentire præsumitur, qui do lo aut fraude tacet. Ex eo enim videotur lucrum captare sibi, vel aliquid mali adversario suo intendere. *l. 2. C. si alienares pignori detur.*

7. Coniunctio personarum eandem præsumptionem parit. Nam si compromittatur in te, cum præsens sis, reclamare ad incommodum tibi imminens facilè potes. *l. Liber capti. C. de captiuis.*

8. Quandocunque ratione aliquis præcepti, juris, vel antecedentis consensus obligatus es. Promisisti ex grat. possessionem mihi tradere. Te cunctante, vidente tamen, per industriam aliunde acquiro: consentire te leges singunt. *Gloss. in l. 2. C. de acquir. possess.*

9. Cum in collegio illicitum aliquid agitur, qui non contradicit, ut impedit, dum potest, cum alii omnium malorum reus efficitur, ut qui consenserit. *Panorm. in c. 1. de hi. qua. fi. à mai. part. Capituli.*

10. Et postremo, si cum taciturni-

tate

rate jungatur actus positivus, verb. gr.
Subscriptio. l. fideiassor. §. 1. ff. de pign.

III. Amplia 1. Ut locum habeat
etiam in dissimulante, qui fingit se con-
fessionem, vel allegationem adversarii
sui non audire. Dissimulans enim pro-
tacente habetur. Bald. ad l. 2. C. de bo-
nis, qua liberis. & ad l. suum. C. de repu-
tian. hereditate.

2. Ut extendatur ad acquisitionem
domini, & juris. Nam diurna patris
taciturnitas patientis filium delatam
hereditatem possidere, inducit rati-
ficationem. Bald. ad l. 1. C. qui admitti ad
honor. possess. Filius quoque sciens pa-
rem suum naturalem agere pro impe-
tranda sibi legitimatione, presumitur
approbare, & consentire. §. Generali-
tar. Aut. quibus modis naturales efficiantur
legitimi.

3. Ut è contrario operetur aliquan-
do amissionem juris favore causarum
piarum. Nam qui scit, & dissimulat,
rem suam alienari in Ecclesiam, hospi-
tale, aut pauperes consentire censetur
intuitu tam sancti operis. Bald. l. 1. C.
de remissione pignoris. Item favore litium
dirimendarum partium silentium in-
ducit renunciationem feriarum favore
hominum introducarum. Felinus in c.
si diligenti. de fo. compet.

4. Ut operetur consensum, adeo-
quedelicti confessionem. Nam inter-
rogatus à judice super crimen delato,
si cum posset respondere, obmutiat,
pro confessio judicabitur. Secus tamen,

si adversario interroganti non respon-
deat. l. Certum. §. 1. tit. de confess. V.
Caramuel. in Theol. fundam. n. 652.

5. In quibusdam vim stipulationis
habet taciturnitas. Licet enim ad sti-
pulationem communiter verba requi-
rantur, & consensus expressus, taciturn-
itas nihilominus vim stipulationis
habet, si consuetudo ferat, vel si de re
favorabili agatur. Bald. ad l. de quib. ff.
de leg. Sic pater prælens & tacens,
quando filius creatur decurio, obliga-
tur pro ejus administratione, non se-
cus, atque si fidejussisset. l. 2. ff. ad mu-
nicipales. Item taciturnitas ejus, qui
patitur se scribi executorem testa-
menti, nocet illi, ne postea excusatetur,
si testator sit conjuncta persona. Roma-
nus ad l. qua dotis. n. 38. tit. solu. matr. Bar-
bos. in axiom. citato.

Ex dictis facile solvuntur, quæ obji-
ci possunt. Vel enim lex obstat præ-
sumptioni consensus, vel periculum
alicujus mali, vel desperatio eventus,
vel denique alia circumstantia, prout
sapiens judex arbitrabitur. V. Bartol.
in l. Qua dotis. ff. solu. matr. Bald. l. 6.
de reg. iur. Felin. in c. Nonne. de præ-
sumpt. Molin. l. 4. de primog. c. 2. Covarr.
in Rubr. de testam. part. 3. n. 12. Menoch.
de præsumpt. l. 3. praf. 9. Sanch. l. 1. disp.
Matrim. l. 1. disp. 5. n. 5. Azor. l. 1. c. 4.
Laym. l. 1. tract. 2. c. 3. num. 3. Lugo de iust.
disp. 23. sect. 5. Bartibol. Socinus in
Reg. 484. Bronchorst. Cen-
sur. IV. aff. 94.